

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республикаса цифра отсӓгӓн сӓвмӓдан, йитӓд да юӓр сетан министерство йылысь

«Коми Республикаса Юралысь, Коми Республикаса Веськӓдлан котыр да Коми Республикаса олӓмӓ пӓртысь власьт системаын органьяс йылысь» Коми Республикаса Оланпаслӓн 21 статья серти Коми Республикаса Веськӓдлан котыр шуис:

1. Вынсӓдны Коми Республикаса цифра отсӓгӓн сӓвмӓдан, йитӓд да юӓр сетан министерство йылысь положение 1 №-а содтӓд серти.

2. Сетны Коми Республикаса цифра отсӓгӓн сӓвмӓдан, йитӓд да юӓр сетан министерстволы Коми Республикаса ӓткымын канму учреждение учредитысьлысь уджьяссӓ да уджмогьяссӓ 2 №-а содтӓдын индӓм лыддьӓг серти.

3. Пыртны Коми Республикаса Веськӓдлан котырлӓн ӓткымын шуӓмӓ вежсьӓмьяс 3 №-а содтӓдын индӓм лыддьӓг серти.

4. Лыддьыны вынтӓмӓн Коми Республикаса Веськӓдлан котырлысь ӓткымын шуӓм 4 №-а содтӓдын индӓм лыддьӓг серти.

5. Тайӓ шуӓмыс вынсялӓ 2021 вося тӓвшӓр тӓлысь 1 лунсянь.

Коми Республикаса Веськӓдлан котырӓн
Юрнуӓдысьӓс Медводдза вежысь

И. Булатов

Сыктывкар
2020 вося вӓльгым тӓлысь 5 лун
543 №

ВЫНСЬӨДӨМА
Коми Республикаса Веськөдлан котырлөн
2020 во вольгым төлысь 5 лунся 543 №-а шуомөн
(1 №-а содтөд)

Коми Республикаса цифра отсөгөн сөвмөдан,
йитөд да юөр сетан министерство йылысь
ПОЛОЖЕНИЕ

I. Панас

1. Коми Республикаса цифра отсөгөн сөвмөдан, йитөд да юөр сетан министерство (Коми Республикаса цифра министерство) (водзö – Министерство) лоö Коми Республикаса олөмö пöртысь власьт органөн, кодi пöртö олөмö Коми Республика мутасын канму политика лöсьöдөм да збыльмөдөм, цифрöвöй экономика, юөртан технологияс, юөр боксянь видзчысянлун, ылдöс мыччöдьяс инфраструктура, йитөд, реклама (ортсыса да социальнöй), йöзöс юөртан средствояс, юөр сетан да йöзöдан удж сфераясын нормативнöй да инöд боксянь ладмөдөм серти уджьяс, а сiдзжö лоö космическöй уджын бöртасьяс пыртан да наөн вöдитчан сфераын могьяс решитөм вылö уполномочитөм Коми Республикаса олөмö пöртысь власьт органөн, а сiдзжö кодi координируйтö Коми Республикаса канму веськөдлан системаын тайö сфераясын уджсö.

2. Министерство аслас уджын кутчысьö Россия Федерацияса Оланподулö, федеральнöй оланподув оланпасьясö, федеральнöй оланпасьясö, Россия Федерацияса мукöд нормативнöй инöда актö, Коми Республикаса Оланподулö, Коми Республикаса оланпасьясö, Коми Республикаса мукöд нормативнöй инöда актö, а сiдзжö тайö Положениеö.

3. Министерство збыльмөдö ассьыс уджсö кыдзи веськыда, сiдзи и федеральнöй канму власьт органьяскöд, федеральнöй фондьяскöд, Коми Республикаса канму власьт органьяскöд, Коми Республикаын меставывса асвеськөдлан органьяскöд, öтйöза öтувьяскöд да мукöд организациякöд öтув уджалөмөн.

4. Министерство видзөм вылö рöскөдсö сьöмөн могмөдöны Коми Республикаса республиканскöй сьöмкуд сьöм тшöт весьтö.

5. Министерство лоö юридическöй кывкутысьөн, сылөн эм Коми Республикаса канму канпаса да коми да роч кывьяс вылын ас нима печать, урчитөм нога мукöд печать, штамп да бланок, Россия Федерацияса оланпастэчас серти восьтан тшöтьяс.

6. Министерство збыльмөдö Коми Республикаса торья канму учреждениеяс серти учредительлысь уджьяссö да уджмогьяссö, кутшöмьясöс урчитöма Коми Республикаса Веськөдлан котырөн (водзö – канму учреждениеяс).

7. Министерство лоö Коми Республикаса Юралысьлөн Администрациялысь инöд босьтысьөн Министерстволы сетөм уджьяс

юкӧнын.

8. Министерстволӧн меститчанӧн (юридическӧй инпас): Сыктывкар, Интернациональнӧй ул., 108 к.

II. Министерстволӧн медшӧр могъяс

9. Министерстволӧн уджын медшӧр могъясыс:

1) лӧсьӧдны бур условияс сы вылӧ, медым цифра отсӧгӧн сӧвмӧдны Коми Республикаса экономика да социальнӧй сфераса отрасляс, сы лыдын медым вӧдитчыны «сквӧзнӧй» цифрӧвӧй технологиясӧн, цифра отсӧгӧн сӧвмӧдны канмуӧн веськӧдлан процессъяс, координируйтны канмуӧн веськӧдлан сфераясын цифрӧвӧй технологияс пыртӧмсӧ, збыльмӧдны «Россия Федерацияса цифрӧвӧй экономика» национальнӧй уджтасса дӧнму проектъяс;

2) котыртны Коми Республикаын канму да муниципальнӧй услугаяс (уджъяс) сетан (олӧмӧ пӧртан) цифрӧвӧй трансформациясӧ;

3) отсавны Коми Республика мутасын пошта связь сӧвмӧдӧмын;

4) лӧсьӧдны бур условияс сы вылӧ, медым могмӧдны Коми Республикаса олысьясӧс да организациясӧс подвижнӧй радиотелефоннӧй йитӧдӧн да ыджыд ӧдӧн уджалысь «Ӧтуввез» везйӧн вӧдитчыны позянлунӧн;

5) пыртны канмуӧн веськӧдлан системаӧ юӧртан технологияс, сы лыдын координируйтны Коми Республикаса канму юӧртан системаяс лӧсьӧдӧмсӧ да сӧвмӧдӧмсӧ;

6) котыртны юӧр боксянь видзчысянлунӧн могмӧдӧмсӧ да Коми Республикаса канму юӧртан системаясса да ресурсъясса юӧр техническӧя дорйӧмсӧ;

7) лӧсьӧдны условияс сы вылӧ, медым Коми Республикаса олысьяс вермисны босытны йӧзӧс юӧртан средствояс пыр социальнӧй тӧдчанлуна юӧрсӧ;

8) лӧсьӧдны условияс сы вылӧ, медым сӧвмӧдны йӧзӧс юӧртан средствояс да йӧзӧдчан уджсӧ;

9) могмӧдны олысьяслысь, Коми Республикаса олӧмӧ пӧртысь власьт органъяслысь, Коми Республикаын меставывса асвеськӧдлан органъяслысь, Коми Республикаса канму учреждениеяслысь, Коми Республикаын муниципальнӧй учреждениеяслысь, мукӧд организациялысь йитӧд услугаысӧн, юӧртан системаысӧн да ресурсъясӧн вӧдитчыны, а сӧдзжӧ юӧрӧн йитчыны коланлунсӧ;

10) лӧсьӧдны условияс сы вылӧ, медым сӧвмӧдны Коми Республика мутасын юӧра йӧзкотыр да Коми Республикаын электроннӧй веськӧдлан котыр;

11) могмӧдны Коми Республика мутасын ортыса реклама серти рынок уджалӧм да рекламнӧй конструкцияс окталуна меститӧм вылӧ условиясӧ;

12) лӧсьӧдны да сӧвмӧдны Коми Республикаса ылдӧс мыччӧдъяс

серти инфраструктура;

13) могмодны космической уджын бортасьяс пыртём да наён водитчём выло условиеяссö;

14) отсавны лөсялана вузос рынокьясын конкуренция сөвмөдөмын.

III. Канму удж

10. Тайö Положениелөн II юкөдын индём могьяссö збыльмөдём могысь Министерство пөртö олөмө татшөм канму уджьяс:

10.1. Курируйтан сфераясын юалөмьяс серти, Коми Республикаса канмуён веськөдлан системаын уджсö координируйтан сфераын:

1) дасьтö Коми Республикаса нормативнöй инöда акт балаяс, сы лыдын курируйтан сфераясын юалөмьяс серти канму уджтас балаяс, да урчитём пöрадокын сетö найöс Коми Республикаса Юралысьлы, Коми Республикаса Веськөдлан котырö;

2) дасьтö курируйтан сфераясын юалөмьяс серти нормативнöй инöда актьяс, методика да технической документьяс;

3) дасьтö курируйтан сфераясын серпас да тенденцияс серти мониторинг йылысь юөр чукöртан-доньялан материальяс, а сідзжö Министерстволөн компетенцияö пырысь юалөмьяс серти оланпастэчас бурмөдём серти вöзйөмьяс да сетö найöс Коми Республикаса Юралысьлы, Коми Республикаса Веськөдлан котырö, федеральной олөмө пöртысь власьт органьясö;

4) дасьтö курируйтан сфераясын юалөмьяс серти прогнознöй петкөдласьяс;

5) дасьтö Коми Республика мутасын курируйтан сфераясын юалөмьяс серти федеральной уджтасьяс дасьтём да збыльмөдём серти вöзйөмьяс да сетö найöс федеральной олөмө пöртысь власьт органьясö;

6) нуөдö аслас уджмогьяс серти курируйтан сфераясын юалөмьяс серти федеральной да дінму уджтасьяс збыльмөдан меропрятыеяс;

7) дасьтö инвестиционнöй ресурсьяс кыскөм да наён водитчём серти вöзйөмьяс, сы лыдын курируйтан сфераясын юалөмьяс серти канму-аспом уджёртасян механизмьясөн водитчөмөн, да сетö найöс Коми Республикаса Веськөдлан котырö;

8) урчитём пöрадокын кырымалö курируйтан сфераясын юалөмьяс серти ёртасьём да öтув уджалөм йылысь артмөдчөмьяс (сёрнитчөмьяс) федеральной олөмө пöртысь власьт органьяскөд, Коми Республикаын меставывса асвеськөдлан органьяскөд, организациясöд;

9) дасьтö курируйтан сфераясын юалөмьяс серти ёртасьём да öтув уджалөм йылысь артмөдчөм (сёрнитчөм) балаяс, кутшөмьясöс кырымалöны Коми Республикаса Веськөдлан котыр да организацияс костын, а сідзжö Коми Республикаса Веськөдлан котыр да Россия Федерацияса субъектьяс костын, да сетö найöс Коми Республикаса Веськөдлан котырö;

10) сетö Коми Республикаса Веськөдлан котырö Министерстволөн

уджалан юаломъяс серти ёртасьом да отув уджалом йылысь артмодчомъяс (сёрнитчомъяс) олөмө пөртөм (збыльмөдөм) йылысь юөр;

11) нуодö Коми Республикаын меставывса асвеськөдлан органъяслы курируйтан сфераясын юаломъяс серти методика боксянь отсөг сетан мероприятияяс;

12) котыртö курируйтан сфераясын юаломъяс серти, сы лыдын Коми Республикаын юөра йозкотырлөн да электроннöй веськөдлан котырлөн позянлунъясөн да инструментъясөн вöдитчан юкöнын, олысьяслы юөртөмсö да найöс велөдөмсö;

13) нуодö курируйтан сфераясын юаломъяс серти конгрессьяс, конференцияяс, семинарьяс, выставкаяс да мукöд мероприятие;

14) индö Коми Республикаса олөмө пöртысь власьт органъяслы, Коми Республикаса канму учреждениеяслы Коми Республика информатизируйтан юкöнын отувья технической политикасö, юөр боксянь видзчысянлун политикасö пыртөмөн, юөртан системаяс да юөртан ресурсьяс лөсьөдөм, наён вöдитчөм да веськөдлөм дорö отувья корөмьяссö;

15) сöгласуйтö Коми Республикаса олөмө пöртысь власьт органъясөн, налён ведомствоувса учреждениеясөн (предприятиеясөн) канму могьяс вылө юөртан технологияяс, йитөд, юөр технической дорьян сфераын вузöс вайөм, уджьяс вöчөм да услугаяс сетөм вылө заказьяс меститигөн вузöслысь, уджьяслысь да услугаяслысь технической, технологической да качественнöй характеристикаяссö.

10.2. Канму да муниципальнöй услугаяс (уджьяс) сетан (олөмө пöртан) цифрöвöй трансформация сфераын:

1) координируйтö юөртан системаяслысь, кутшöмьясөн вöдитчöны канму да муниципальнöй услугаяс сетөм могысь да канму да муниципальнöй уджьяс олөмө пöртөм могысь, юөрөн да технологической йитчөмсö могмөдысь инфраструктура лөсьөдөм да сылысь уджалөмсö могмөдан мероприятиеяс, координируйтö юөртан системаяс, кутшöмьясөн вöдитчöны канму да муниципальнöй услугаяс сетөм могысь, сы дорö йитөм серти уджьяс;

2) збыльмөдö Коми Республикаса ведомствоковса электроннöй йитчан системалысь Россия Федерацияса ведомствоковса электроннöй йитчан отувья системакөд отув уджалөмсö котыртөм серти уджсö, координируйтö юөртан системаяс сы дорö йитөм серти уджьяссö, сы могысь, медым сетны (пöртны олөмө) канму (муниципальнöй) услугаяс (уджьяс);

3) координируйтö Коми Республикаса олөмө пöртысь власьт органъясын да Коми Республикаын меставывса асвеськөдлан органъясын канму да муниципальнöй услугаяс (уджьяс) сетан (олөмө пöртан) процессьяс серти реинжинирингсö да цифрöвöй трансформациясö.

10.3. Йитөд сфераын:

1) дасьтö Коми Республикаса олөмө пöртысь власьт органъясын, Коми Республикаса Юралысьөн артмөдөм Коми Республикаса канму

органьясын йитөдөн вөдитчөмсө техническөя оптимизируйтөм серти вөзийөмьяс да сетө найөс Коми Республикаса Веськөдлан котырө;

2) сөгласуйтө Коми Республика мутасын федеральнөй пошта связь организациясса пошта связь объектъяслысь уджаланногсө;

3) котыртө Коми Республика мутасын магистральнөй связь канальяссө, кутшөмьяс эмось, көртымалөм, «Отуввез» везйөн вөдитчыны позянлун, вөдитчыны позянлуна везьяс да узельяс вөчөм подув вылын Коми Республикаса канму юөртан да телекоммуникация вез (КР КЮТВ) сөвмөдан мероприятияяс нуөдөмсө сы могысь, медым могмөдны Коми Республикаса канму власьт органьяс, Коми Республикаын меставывса асвеськөдлан органьяс, налөн веськөдлөм улын уджалысь предприятиеяс да учреждениеяс, федеральнөй олөмө пөртысь власьт органьяслөн мутас органьяс, торья йөз да юридическөй кывкутысьяс костын электроннөя юөрөн вежсьыны позянлунсө.

10.4. Информатизация сфераын:

1) котыртө Коми Республикаса олөмө пөртысь власьт органьяслысь да Коми Республикаын меставывса асвеськөдлан органьяслысь юөртан системаяс, юөртан технологияс лөсьөдөмкөд, пыртөмкөд, сөвмөдөмкөд да интегрируйтөмкөд йитчөм уджьяс, оланпастэчас серти;

2) дасьтө Коми Республикаса канму юөртан системаяслысь лыддьөг лөсьөдан да нуөдан пөрадок;

3) координируйтө Коми Республикаын цифрөвөй технологиясөн вөдитчан мероприятиеяс;

4) пасйө Коми Республикаса канму юөртан системаяссө информатизация координируйтан федеральнөй канму юөртан системаын.

10.5. Юөр боксянь видзчысянлун сфераын:

1) котыртө Коми Республикаса канму юөртан да телекоммуникация везлысь (КР КЮТВ), критическөй юөртан инфраструктуралысь, канму юөртан системаяслысь, Коми Республикаса юөртан ресурсьяслысь видзчысянлунсө да найөс дорйөмсө могмөдөм серти уджсө;

2) координируйтө юөр, сы лыдын Коми Республикаса олөмө пөртысь власьт органьясын, налөн ведомствоувса учреждениеясын (предприятиеясын) критическөй юөртан инфраструктура объектъяс, дорйөм серти удж котыртөмсө да видзөдө на бөрся;

3) котыртө эскөдысь шөриньясса уполномочитөм йөзлысь наөн сетөм кырымпас ключьяса сертификатъясын электроннөй цифрөвөй кырымпасьяс эскөдөмсө;

4) котыртө Коми Республика мутасын эскөдысь шөриньясса кырымпас ключьяса сертификатъяслысь отувья реестр да Коми Республикалөн канму власьт органьясса уполномочитөм йөзлөн кырымпас ключьяса сертификатъяслысь реестр нуөдөмсө;

5) котыртө КР КЮТВ-ын юөр боксянь видзчысянлун бөрся мониторинг, сы лыдын Коми Республикаса олөмө пөртысь власьт органьяслысь критическөй юөртан инфраструктураса объектъяс бөрся мониторинг, нуөдан республиканскөй шөринлысь уджсө.

10.6. Юөр сетан, йөзөс юөртан средствояс да йөзөдчан удж сфераын:

1) котыртө да нуөдө йөзөс юөртан средствояс сфераын йөзлы колана проектъяс творческөя бөрйөмсө;

2) котыртө да нуөдө йөзөс юөртан средствояслөн удж да йөзөдчан удж сфераын конкурсьяс, выставкаяс, ярмангаяс, семинаръяс да мукөд мероприятие;

3) лөсьөдө йөзөс юөртан средствояс йылысь асьыс мыччөдъяс базасө, кодъяс збыльмөдөны асьыс уджсө Коми Республика мутасын;

4) котыртө социальнөй төдчанлуна литература лэдзөм серти удж;

5) котыртө да нуөдө социальнөй төдчанлуна литература лэдзөм да паскөдөм вылө творческөя бөрйөмсө;

6) комплектуйтө быть колана дон босьтгөг экземпляр, пасйө да босьтө сйөс учёт вылө, могмөдө сйөс видзөмсө да сыөн вөдитчөмсө;

7) котыртө Коми Республикаса республиканскөй сьөмкудйысь социальнөй нырвизя абу коммерческөй организацияслы, кодъяс збыльмөдөны Айму дорйысьяслысь да политическөй репрессияс улө веськалөмаяслысь паметьсө нэммөдөм серти уджсө, субсидияс сетөм серти уджсө;

8) котыртө Коми Республикаса республиканскөй сьөмкудйысь юридическөй кывкутысьяслы (канму (муниципальнөй) учреждениес кындзи), ашшөр уджалысьяслы, торъя йөзлы, кодъяс вөчөны, паскөдөны да тиражируйтөны ЙЮС-ын (кутшөмъясөс учредитысьясөн (өтув учредитысьясөн) лөоны Коми Республикаса оланпас пыртысь да (либө) олөмө пөртысь власьт органъяс) йөзкотырлөн да канмулөн интересьяскөд йитчан темаяс серти материалъяс, субсидияс сетөм серти уджсө.

10.7. Ортсыса реклама сфераын:

1) сы могысь, медым сувтөдны реклама конструкцияс да уджөдны найөс, вөдитчөны му участокъясөн, кутшөмъяс меститчөны Коми Республикаын кар кытшьясса да муниципальной районьясса муниципальной юкөнъяслөн мутасын, кутшөмъяс вылө канму эмбурсө абу юклөма сэк, кор «Россия Федерацияса му кодекс вынсялөм йылысь» Федеральнөй оланпас серти лөсялана му участокъясөн вөдитчөны кар кытшьясса да муниципальной районьясса меставывса асвеськөдлан органъяс;

2) урчитө Коми Республикаын му участокъяс вылын, кутшөмъяс вылө канму эмбурсө абу юклөма, реклама конструкцияс сувтөдөм да уджөдөм вылө сёрнитчөмъяс кырымалан инөд вылө торгьяс (аукцион либө конкурс) нуөдан формасө (водзө - сёрнитчөмъяс); нуөдө Россия Федерацияса оланпастэчас серти сёрнитчөмъяс кырымалан инөд вылө торгьяс, кырымалө татшөм сёрнитчөмъяссө;

3) вынсьөдө реклама конструкцияс му участокъяс вылын налөн эмбур сикас вылө видзөдтөг, а сідзжө зданиеяс вылын либө мукөд вөрзьөдны позьтөм эмбур вылын меститан схемасө, кутшөмъяс пырөны Коми Республикалөн канму эмбурө либө Коми Республикаын

муниципальной эмбурö;

4) дугöдö реклама конструкцияс сувтöдöм да уджöдöм вылö разрешениессö;

5) сетö реклама конструкцияс, кутшöмьясöс сувтöдöма да (либö) уджöдöма разрешениетöг, разьöм йылысь предписание, мыйлөн вына кадколастыс эз на коль;

6) урчитö реклама конструкцияслысь типьяссö да сикасьяссö, кутшöмьясöс позьö да оз позь сувтöдны, сы лыдын татшöм реклама конструкцияс дорö корöмьяссö Коми Республикаса овмöдчöминьясын либö кар кытшьясын кыпöдöм стрöйбаяслысь ортсыса архитектура öблик видзны коланлунсö тöд вылö босьтöмөн;

7) шыöдчö ёрдö реклама конструкцияс сувтöдöм да уджöдöм вылö разрешениессö туйтöмөн шуöм йылысь искөн сэк, кор реклама конструкциясö тайö инын сувтöдöмыс оз лöсяв реклама конструкцияс меститан схемалы (сэк, кор реклама конструкция сувтöдан инсö «Реклама йылысь» Федеральной оланпаслөн 19 статьяса 5.8 юкөн серти урчитöны реклама конструкцияс меститан схемаөн), либö сэк, кор торкалöма овмöдчöминын либö кар кытшын кыпöдöм стрöйбаяслөн ортсыса архитектура öбликсö;

8) мынтö реклама конструкцияс кутысьяслы компенсация сэк, кор реклама конструкцияс меститан схемаö пыртöма вежсьöмьяс, мый серти водзджык сувтöдöм реклама конструкциялөн иныс эз кут лöсявны индöм схемалы да татшöм реклама конструкция сувтöдöм да уджöдöм вылö разрешениеыс вöли шуöма туйтöмөн «Реклама йылысь» Федеральной оланпаслөн 19 статьялөн 20 юкөнса 3 пунктөн урчитöм подув серти;

9) котыртö Коми Республикаын кар кытшьясса да муниципальной районьясса муниципальной юкөньяслөн мутасьясын реклама конструкцияс разьöмсö сэк, кор урчитöм кадколастö вöрзьöдны позьтöм эмбурсö кыин кутысьыс либö оланпас серти мукöд кутысьыс, кытчö вöли меститöма реклама конструкциясö, эз пöрт олöмö реклама конструкция разьöм серти кывкутана могсö, кутшöмöс индöма «Реклама йылысь» Федеральной оланпаслөн 19 статьяса 21 юкөннын, либö тайö вöрзьöдны позьтöм эмбур кыин кутысьыс либö оланпас серти мукöд кутысьыс абу тöдса, а сіджö сэк, кор реклама конструкциясö меститöма муниципальной эмбур объект либö уна патераа керкаын жырьяс кыин кутысьяслөн öтувья эмбур дорö сэк, кор кыин тайö кутысьяслөн реклама конструкция сувтöдöм да уджöдöм вылö сöгласлуныс абу, сэтшöм случайын, кутшöмöс индöма «Реклама йылысь» Федеральной оланпаслөн 19 статьяса 21¹ юкөннын, найöс видзöмсö либö колана случайяс дырйи реклама конструкцияс бырöдöмсö;

10) шыöдчö реклама конструкцияс кутысьяс дорö, вöрзьöдны позьтöм эмбур кыин кутысьяс да оланпас серти мукöд кутысь дорö, кытчö вöли меститöма реклама конструкциясö, колана рöскöд бергöдöм йылысь корöмөн, мый артмис реклама конструкцияс разьöмкöд, видзöмкöд да колана случайясын бырöдöмкöд;

11) кырымалö му участок, здание либö мукöд вöрзöдны позътöм эмбур вылын, кутшöмьяс пырöны Коми Республикаса канму эмбурö, реклама конструкция сувтöдöм да уджöдöм вылö сёрнитчöмьяс, «Реклама йылысь» Федеральнöй оланпаслөн 19 статьяса 6 юкöнын индöм случайяс кындзи.

10.8. Ылдöс мыччöдьяслысь инфраструктура лöсьöдан да сöвмöдан сфераын:

могмöдö геоинформационнöй системаяс лöсьöдан, сöвмöдан, нуöдан да уджöдан мероприятиеяс.

10.9. Космическöй уджын бöртасьяс пыртан да наён вöдитчан сфераын:

1) нуöдö навигация уджсö, сы лыдын Коми Республика мутасын навигация средствояслысь да налысь уджсö могмöдан объектъяслөн уджалан юкöнын, могмöдöм серти уджсö;

2) координируйтö Коми Республикаса олöмö пöртысь власьт органьясөн, Коми Республикаын меставывса асвеськöдлан органьясөн, Коми Республикаса канму учреждениеясөн да Коми Республикаын муниципальнöй учреждениеясөн навигация-юöртан системаясөн, национальнöй глобальнöй навигационнöй спутникöвöй системаөн (ГЛОНАСС) вöдитчöмөн техникескöй решениеясөн вöдитчöм серти вöчöмторьяссö;

3) могмöдö Коми Республика мутасын вылыс тшупöда стöч спутникöвöй позиционирование лöсьöдан да сöвмöдан мероприятиеяс;

4) могмöдö космосьянь Му шарсö дистанционнöя зондируйтан мыччöдьяс пыртан да наён вöдитчан мероприятиеяс.

10.10. Министерстволөн мукöд удж:

1) дасьтö Министерстволөн компетенцияын юалöмьяс серти канму учреждениеяслы методика индöдьяс да рекомендацияяс;

2) котыртö му пытшкöс йылысь, мый кыин кутысьён лоö Коми Республика, запасьяслөн да куйлöд кадастрьяслөн мутас балансьяс да тшöкыда паныдасьлысь мупытшкöсса озырлун тыдаланіньяс йылысь геологическöй юöртан ресурсьяс чукöртöмсö, лöсьöдöмсö, видзöмсö да нуöдöмсö да мупытшкöсса участокьяс учёт вылö босьтöмсö, мыйён вöдитчöны мупытшкöсса озырлун перйöмкöд йитчытöм мупытшкöсса сооруженияс стрöйтöм могысь;

3) котыртö Коми Республикаса олöмö пöртысь власьт органьяслөн уджалан нырвизьяс серти официальной юöртан материальяс тиражируйтан процессьяссö;

4) могмöдö Канму да муниципальнöй мынтысьöмьяс йылысь канму юöртан системаса оператор да сьöмкуд чöжöс администраторьяс, Коми Республикаса канму (муниципальнöй) сьöмкуд да асшöрлуна учреждениеяс костын юөрөн йитчöмсö;

5) пöртö олöмö Министерстволөн уджалан да сылы сетöм уджьяс збыльмöдан сфераын Коми Республикаса канму могьяс вылö вузöс, уджьяс, услугаяс ньöбöм серти канму заказчиклысь уджьяссö;

6) Коми Республикаса канму могъяс вылө вузөс, уджъяс, услугаяс ньöбигөн, кутшöмъяс серти канму заказчикөн лоö Министерство, могмөдö донъяс серти да вузөс номенклатура (услуга сикасъяс) серти мониторингсö, индöм закупкаяс серти прогнозируйтöмсö, планируйтöмсö, бюджетуруйтöмсö, контракциясö да администрируйтöмсö оланпастэчасөн урчитöм пöрадокын;

7) урчитöм пöрадокын котыртö да могмөдö мобилизационнöя дасьтысьöмсö, мобилизациясö, Министерствоса сотрудникъяссö серти, кодъяс лыддысьсöны запасын, воинскöй учётсö да бронируйтöмсö, координируйтö канму учреждениеясын мобилизационнöя дасьтысьöм, воинскöй учёт да бронируйтöм серти мероприятиеяс да видзöдö на бöрся;

8) нуöдö Министерствоын войтырöс доръян мероприятиеяс Коми Республикаын войтырöс дорйöмсö котыртöм да нуöдöм йылысь положение серти, кутшöмöс вынсьöдöма Коми Республикаса Юралысьлөн 2008 во йирым тöлысь 13 лунся 97 №-а Индöдөн;

9) нуöдö Министерствоын гуся юöртан ресурсъяс, сы лыдын аспасъяс, а сідзжö канму гусяторйö пырысь тöдмөгъяс, доръян мероприятиеяс;

10) нуöдö Министерствоын юөр техническöя доръян мероприятиеяс;

11) нуöдö терроризмысь да экстремизмысь öлöдан, налысь колясъяс чинтан мероприятиеяс Коми Республикаын терроризмлы паныд удж нуöдысь комиссиялөн помшүöмъяс серти;

12) котыртö да збыльмөдö Коми Республикаын терроризм идеологиялы паныд удж нуöдан комплекснöй план серти мероприятиеяс да Коми Республика мутасын терроризм идеологиялы паныд удж нуöдöм серти мукöд мероприятие;

13) збыльмөдö Коми Республика мутасын удж видзан юкöнын канму политикаын медшöр нырвизьяссö компетенцияын, кутшöмöс урчитöма «Удж видзан юкöнын öткымын юалöм йылысь» Коми Республикаса Вескөдлан котырлөн 2008 во тövшöр тöлысь 29 лунся 16 №-а шуöмөн;

14) могмөдö Коми Республикаса Юралысьлысь да Коми Республикаса Вескөдлан котырлысь тшöктöмъяс колана ногөн олöмö пöртöмсö, кутшöмъясöс сетöма Россия Федерацияса Президентлысь тшöктöмъяссö да индöдьяссö олöмö пöртöм могысь, сійö юалöмъяс серти, кутшöмъясöс пыртöма Министерстволөн уджалан сфераö, «Россия Федерацияса Президентлысь тшöктöмъяс да индöмъяс олöмö пöртöм котыртöмсö бурмөдан мераяс йылысь» Россия Федерацияса Президентлысь 2011 во рака тöлысь 28 лунся 352 №-а Индöд збыльмөдöм серти;

15) нуöдö Министерствоын да канму учрежденияясын пöжарысь видзчысян мераяс могмөдан мероприятиеяс;

16) пырöдчö Коми Республика мутасын добровольчество (волонтёрство) сфераын канму политика збыльмөдöмö;

17) примитö гражданаöс да ас кадö да тырвуйö видлалö

Министерстволөн уджалан сферао пыртём юаломьяс серти налысь шыодчомьяссö, примитö татшöм шыодчомьяс серти помшуомьяс да Россия Федерацияса оланпастэчасөн урчитём кадколасто ысто шыодчысыяслы вочакывьяс;

18) збыльмөдö мукöд удж Коми Республикаса Юралысьлөн, Коми Республикаса Веськөдлан котырлөн помшуомьяс серти.

IV. Канму услугаяс

11. Тайö Положениелөн II юкöдын индöм могьяссö збыльмөдöм могысь Министерство сетö татшöм канму услуга:

киын кутысыяслөн либö му участокьяс, зданиеяс да мукöд вörзбöдны позьтём эмбур «Реклама йылысь» Федеральнöй оланпаслөн 19 статьяса 5, 6, 7 юкөнъясын индöм мукöд кутысьлөн, реклама конструкцияяс кутысыяслөн шыодчомьяс подув вылын реклама конструкцияяс сувтöдöм да уджöдöм вылö разрешение сетём.

V. Министерстволөн инöдьяс

12. Сы могысь, медым урчитём уджалан сфераясын пöртны олөмö канму уджьяс, сетны канму услугаяс, Министерство вермö:

1) корны да босьтны Коми Республикаса канму власьт органьясянь, Коми Республикаын меставывса асвескөдлан органьясянь, организациясянь, чина йöзсянь юөр, кутшöм колö Министерстволөн уджалан сферао пыртём юаломьяс серти помшуомьяс примитём вылö;

2) Министерстволөн уджалан сферао пыртём юаломьяс решитём могысь урчитём пöрадокын корны наука да мукöд организацияос, учёнойясöс да специалистьясöс;

3) котыртны Министерстволөн уджалан сферао пыртём юаломьяс серти координационнöй, сöвещательнöй да экспертнöй органьяс (сöветьяс, комиссияяс да уджалан группаяс, коллегияяс);

4) урчитём пöрадокын лöсьöдны ведомствоса наградаяс да ведомствоса ышöдöмьяс да сетны найöс гражданады урчитём уджалан сфераын ыджыд вермөмьясысь;

5) оланпастэчасөн урчитём пöрадокын дон мынтытöг босьтны печатнöй изданиеяслысь быть колана экземплярьяссö найöс вöчысыяслысь.

VI. Министерстволысь уджсö котыртём

13. Министерстоён юрнуöдö министр, кодöс индö чинö Коми Республикаса Юралысь Коми Республикаса Веськөдлан котырөн Юрнуöдысьлөн вöзйём серти да мездö чинысь Коми Республикаса Юралысь.

14. Министр:

1) юрнуöдö Министерстволөн уджөн öткөн веськөдлан принципьяс

вылын да ачыс кывкутö Министерстволы сетöм могъяс да уджъяс збыльмöдöм вöсна;

2) эсканпастöг уджалö Министерство нимсянь, петкöдлö сийöс канму власът органъяскöд, меставывса асвеськöдлан органъяскöд да организацияскöд йитöдъясын;

3) йöзöдö тшöктöдъяс, помшуöмъяс да тшöктöмъяс, сетö индöдъяс, видзöдö найöс олöмö пöртöм бöрся;

4) вынсьöдö Министерстволысь тэчассö, штатнöй расписаниесö вынсьöдöм штат лыд мындаын, а сідзжö сийöс видзöм вылö рöскод серти сьöмкуд сметасö сьöмкуд ассигнование мындаын, мыйта урчитöма Коми Республикаса республиканскöй сьöмкудйын;

5) вынсьöдö Министерстволөн тэчас юкöдувъяс йылысь положениеяс;

6) вынсьöдö Министерствоса уджалысьяслы чинъяс серти уджаланартъяссö да чинъяс серти инструкцияссö;

7) юкö аслас вежысьяс костын кывкутана могъяссö;

8) урчитöм пöрадокын индö чинö да мездö чинысь Министерствоса уджалысьясöс, кырымалö, вежö да дугöдö накöд уджалан сёрнитчöмъяссö оланпастэчас серти;

9) Министерствоса уджалысьясöс ошкö да дисциплинарнöя мыждö оланпастэчас серти;

10) осьтö да тупкö тшöтъяс, кырымалö финансöвöй документъяс;

11) могмöдö Министерствоын финансöвöй дисциплинаö кутчысьöмсö;

12) котыртö Министерстволөн удж йылысь юөрөн вöдитчыны позянлунсö;

13) оланпастэчас серти збыльмöдö мукöд уджмог.

15. Министрлөн эмöсь вежысьяс, кодъясöс индöны чинö да мездöны чинысь Россия Федерацияса оланпастэчасөн да Коми Республикаса оланпастэчасөн урчитöм пöрадокын.

Министрöс вежысьяс уджалöны эсканпастöг Министерство нимсянь министрөн урчитöм индöдъяс да кывкутана могъяс серти.

Сэк, кор министрÿс недыр кад чöж абу, сылысь кывкутана могъяссö пöртö олöмö министрöс медводдза вежысь, а сэк, кор министрöс медводдза вежысьыс абу, - министрöс вежысь министрлөн помшуöм серти.

Сэк, кор министр чиныс прöст, министрлысь кывкутана могъяс сетöм йылысь помшуöмсö примитö Коми Республикаса Юралысь Коми Республикаса Велькöдлан котырөн Юрнуöдысьлөн вöзйöм серти.

16. Министерстволысь медпозяна штат лыдсö урчитö Коми Республикаса Велькöдлан котыр.

17. Министерстволысь пытшкöсса уджсö урчитöны Министерстволөн Уджаланартөн.

Коми Республикаса канму учреждение
ЛЫДДЬӦГ,

кутшӧмъясӧс учредитысьлысь уджъяссӧ да уджмогъяссӧ збыльмӧдӧ
Коми Республикаса цифра отсӧгӧн сӧвмӧдан, йитӧд да юӧр сетан
министерство

1. «Коми йӧзӧдчан керка» Коми Республикаса асшӧрлуна учреждение.
2. «Комиинформ» Коми Республикаса асшӧрлуна учреждение.
3. «Заря» газет редакция» Коми Республикаса асшӧрлуна учреждение.
4. «Звезда» газет редакция» Коми Республикаса асшӧрлуна учреждение.
5. «Знамя труда» газет редакция» Коми Республикаса асшӧрлуна учреждение.
6. «Красная Печора» газет редакция» Коми Республикаса асшӧрлуна учреждение.
7. «Новая жизнь» газет редакция» Коми Республикаса асшӧрлуна учреждение.
8. «Новый Север» газет редакция» Коми Республикаса асшӧрлуна учреждение.
9. «Республика» газет редакция» Коми Республикаса асшӧрлуна учреждение.
10. «Сияние Севера» газет редакция» Коми Республикаса асшӧрлуна учреждение.
11. «Эскӧм» газет редакция» Коми Республикаса асшӧрлуна учреждение.
12. «Арт» газет редакция» Коми Республикаса асшӧрлуна учреждение.
13. «Радуга» газет редакция» Коми Республикаса асшӧрлуна учреждение.
14. «Регион» республиканскӧй делӧвӧй журнал редакция» Коми Республикаса асшӧрлуна учреждение.
15. «Маяк Сысолы» газет редакция» Коми Республикаса канму асшӧрлуна учреждение.
16. «Наша жизнь» газет редакция» Коми Республикаса канму асшӧрлуна учреждение.
17. «Парма гор» газет редакция» Коми Республикаса канму асшӧрлуна учреждение.
18. «Вперед» газет редакция» Коми Республикаса канму асшӧрлуна учреждение.

19. «Выль туйöd» газет редакция» Коми Республикаса канму асшöрлуна учреждение.

20. «Княжпогостские вести» газет редакция» Коми Республикаса канму асшöрлуна учреждение.

21. «Юöртан технологияс шöрин» Коми Республикаса канму асшöрлуна учреждение.

22. «Коми Республикаса мутаскöд йитчöм юөр фонд» Коми Республикаса канму сьöмкуд учреждение.

23. «Лёк суöмысь видзчысян кар» Коми Республикаса канму казённöй учреждение.

24. «Коми реклама» Коми Республикаса канму казённöй учреждение.

Коми Республикаса Веськӧдлан котырлӧн
2020 во вӧльгым тӧлысь 5 лунся 543 №-а шуӧм дорӧ
3 №-а СОДТӦД

Коми Республикаса Веськӧдлан котырлӧн
ӧткымын шуӧмӧ пыртӧм вежсьӧмъяс
ЛЫДДЬӦГ

1. «Коми реклама» канму казӧннӧй учреждение лӧсьӧдӧм йылысь»
Коми Республикаса Веськӧдлан котырлӧн 2016 во ӧшым тӧлысь 29 лунся
630 №-а шуӧмын:

2 пункт киритны.

2. «Твоя параллель» том йӧзлы республиканскӧй газет редакция»
Коми Республикаса ашӧрлуна учреждениелы выль ним сетӧм да «Коми
Республикаса олӧмӧ пӧртысь власьт системаын органъяслы Коми
Республикаса ӧткымын канму учреждение учредитысьлысь уджъяссӧ да
уджмогъяссӧ сетӧм йылысь» Коми Республикаса Веськӧдлан котырлӧн
2016 во вӧльгым тӧлысь 9 лунся 529 №-а шуӧмӧ вежсьӧм пыртӧм йылысь»
Коми Республикаса Веськӧдлан котырлӧн 2017 во лӧддза-номъя тӧлысь 15
лунся 311 №-а шуӧмын:

2 – 4 пунктъяс киритны.

3. «Коми Республикаса вӧр-ва озырлун да гӧгӧртас видзӧм серти
юӧрлӧн мутас фонд» Коми Республикаса канму сьӧмкуд учреждениелы
выль ним сетӧм да Коми Республикаса Веськӧдлан котырлӧн ӧткымын
шуӧмӧ вежсьӧмъяс пыртӧм йылысь» Коми Республикаса Веськӧдлан
котырлӧн 2017 во ӧшым тӧлысь 30 лунся 672 №-а шуӧмын:

шуӧмын 2 пункт да шуӧм дорӧ содтӧдын 2 пункт киритны.

4. «Лӧк суӧмысь видзчысян кар» Коми Республикаса канму
казӧннӧй учреждение йылысь» Коми Республикаса Веськӧдлан котырлӧн
2018 во йирым тӧлысь 31 лунся 467 №-а шуӧмын:

3 пункт киритны.

Коми Республикаса Веськӧдлан котырлӧн
2020 во вӧльгым тӧлысь 5 лунся 543 №-а шуӧм дорӧ
4 №-а СОДТӦД

Коми Республикаса Веськӧдлан котырлӧн
вынтӧмӧн лыддьӧм ӧткымын шуӧм
ЛЫДДЬӦГ

1. «Коми Республикаса олӧмӧ пӧртысь власьт органьяслы Коми Республикаса ӧткымын канму учреждение учредитысьлысь уджъяссӧ да уджмогъяссӧ сетӧм йылысь» Коми Республикаса Веськӧдлан котырлӧн 2016 во вӧльгым тӧлысь 9 лунся 529 №-а шуӧм.

2. «Коми Республикаса олӧмӧ пӧртысь власьт органьяслы Коми Республикаса ӧткымын канму учреждение учредитысьлысь уджъяссӧ да уджмогъяссӧ сетӧм йылысь» Коми Республикаса Веськӧдлан котырлӧн 2016 во вӧльгым тӧлысь 9 лунся 529 №-а шуӧмӧ вежсьӧмъяс пыртӧм йылысь» Коми Республикаса Веськӧдлан котырлӧн 2016 во вӧльгым тӧлысь 22 лунся 541 №-а шуӧм.